

Արձանագրություն թիվ 1

(Նիստը տեղի է ունեցել 2026 թ. սեպտեմբերի 4-ին:)

Նիստին մասնակցում էին կառավարման խորհրդի 11 անդամները: Նիստին մասնակցում էին « Երևանի Տ. Շնչենկոյի անվան թիվ 42 ավագ դպրոց » ՊՈԱԿ-ի տնօրեն Մարիաննա Նավասարդյանը , "Երևանի Ա.Մարգարյանի անվան թիվ 29 ավագ դպրոց" ՊՈԱԿ-ի հաշվապահ Ռ. Ամիրյանը, "Երևանի հ.2 ավագ դպրոց" ՊՈԱԿ-ի հաշվապահ Հ. Բաբուրյանը:

ՕՐԱԿԱՐԳՈՒՄ`

- 1.2025–2026 ուսումնական տարվա ներքին գնահատման հաշվետվության քննարկում:
 - 2.2026–2027 ուսումնական տարվա ուսումնադաստիարակչական աշխատանքների կազմակերպման մասին տեղեկատվություն:
 - 3.Դպրոցի զարգացման ծրագրի տարեկան գործողությունների կատարման և առաջիկա անելիքների մասին:
 - 4.Դպրոցի նոր ուսումնական տարվան նյութատեխնիկական պատրաստվածության և անվտանգ պայմանների ապահովման մասին:
 - 5.Ուսուցչի թափուր տեղի մրցույթի կարգի փոփոխություն:
 - 6.Էլեկտրոնային կառավարման և դասավանդման մասնագետի լրավճար սահմանելու մասին:
 - 7.Կառավարման խորհրդի աշխատանքային պլանի և նիստերի ժամանակացույցի հաստատում:
 - 8.Ֆինանսատնտեսական գործունեություն և բյուջեի կատարում:
 9. 2026-2027 ուստարվա դպրոցների աշխատանքային Ներքին կարգապահական կանոնները:
 10. 2026-2027 ուստարվա վարձաչափային (տարիֆիկացիոն) և հաստիքային ցուցակների ներկայացում:
 11. Երևանի Ա. Մարգարյանի անվան թիվ 29 ավագ դպրոցի ֆինանսատնտեսական գործունեության նախահաշվում փոփոխություն
- Լսեցին -1. 2025–2026 ուստարվա ներքին գնահատման հաշվետվության քննարկում

Երևանի Ս. Շևչենկոյի անվան թիվ 42 ավագ դպրոց » ՊՈԱԿ-ի տնօրեն Մարիաննա Նավասարդյանը և մյուս դպրոցների ներկայացուցիչները

Ներկայացրին 2025–2026 ուսումնական տարվա ներքին գնահատման հաշվետվությունը: Անդրադարձ կատարվեց դպրոցի գործունեության հիմնական ուղղություններին, կրթության որակի ապահովմանը, սովորողների ուսումնառության արդյունքներին, կրթական միջավայրին, կառավարման արդյունավետությանը, ինչպես նաև նախորդ տարվա ընթացքում արձանագրված ձեռքբերումներին և բարելավման ենթակա խնդիրներին: Ներկայացվեցին ուսումնական հաստատության գործունեության ցուցանիշները, կրթության որակի դինամիկան, ինչպես նաև առկա խնդիրներն ու դրանց լուծման ուղիները:

(2025–2026 ուստարվա ներքին գնահատման հաշվետվությունները կցվում են):

Որոշեցին

1. Հավանություն տալ 2025–2026 ուսումնական տարվա ներքին գնահատման հաշվետվություններին:

2. « Երևանի Ս. Շևչենկոյի անվան թիվ 42 ավագ դպրոց » ՊՈԱԿ-ի գնահատման հաշվետվությունն ընդունել ի գիտություն: Արձանագրված խնդիրներն ու առաջարկությունները հաշվի առնել 2026–2027 ուսումնական տարվա աշխատանքների պլանավորման և դպրոցի գործունեության հետագա բարելավման ընթացքում:

Լսեցին - 2. 2026–2027 ուստարվա ուսումնադաստիարակչական աշխատանքների կազմակերպում

Դպրոցների ներկայացուցիչները

Ներկայացրին Նոր ուսումնական տարվա ուսումնադաստիարակչական աշխատանքների կազմակերպման հիմնական ուղղությունները: Նշվեց, որ ուսումնական գործընթացը կազմակերպվել է հաստատված ուսումնական պլանին, դասաբաշխմանը և դասացուցակին համապատասխան: Ներկայացվեցին նաև կրթության որակի բարձրացման, սովորողների առաջադիմության, հաճախումների վերահսկման և դաստիարակչական աշխատանքների հիմնական առաջնահերթությունները:

Որոշեցին

Տեղեկատվությունն ընդունել ի գիտություն: Ապահովել 2026–2027 ուսումնական տարվա ուսումնադաստիարակչական աշխատանքների պատշաճ կազմակերպումը և սահմանված աշխատանքների հետևողական իրականացումը:

3. Դպրոցի զարգացման ծրագրի տարեկան գործողությունների կատարում և առաջիկա անելիքներ

Լսեցին՝ Տնօրենների ղեկուցումները Դպրոցի զարգացման ծրագրի (2Ծ) տարեկան գործողությունների պլանի կատարողականի և առաջիկա անելիքների վերաբերյալ:

Որոշեցին՝ Հավանություն տալ Դպրոցի զարգացման ծրագրի տարեկան գործողությունների կատարողականներին:

Լսեցին - 4. Նյութատեխնիկական պատրաստվածություն և անվտանգ պայմանների ապահովում:

Լսեցին դպրոցի՝ 2026–2027 ուսումնական տարվան նյութատեխնիկական պատրաստվածության վերաբերյալ տեղեկատվությունը: Ներկայացվեցին ուսումնական տարածքների, գույքի և սարքավորումների վիճակը, իրականացված նախապատրաստական աշխատանքները, ինչպես նաև սանիտարահիգիենիկ, հակահրդեհային և ընդհանուր անվտանգության պայմանների ապահովման ուղղությամբ կատարված միջոցառումները:

Որոշեցին

Տեղեկատվությունն ընդունել ի գիտություն: Շարունակել վերահսկողությունը դպրոցի նյութատեխնիկական պայմանների, սանիտարահիգիենիկ պահանջների և անվտանգության կանոնների պահպանման նկատմամբ՝ սովորողների և աշխատակիցների համար անվտանգ կրթական միջավայր ապահովելու նպատակով:

Լսեցին - 5. Ուսուցչի թափուր տեղի մրցույթի կարգի փոփոխություն

Երևանի Ս. Շևչենկոյի անվան թիվ 42 ավագ դպրոց » ՊՈԱԿ-ի տնօրեն Մարիաննա Նավասարդյանը ներկայացրեց ուսուցչի թափուր տեղի համար անցկացվող մրցույթի կարգում կատարված փոփոխությունների վերաբերյալ տեղեկատվությունը: Ներկայացվեցին այն հիմնական

փոփոխությունները, որոնք անհրաժեշտ է հաշվի առնել թափուր տեղերի համար մրցույթների հայտարարման և անցկացման ընթացքում:

Որոշեցին

Տեղեկատվությունն ընդունել ի գիտություն: Ուսուցչի թափուր տեղի մրցույթների կազմակերպման և անցկացման ժամանակ առաջնորդվել գործող կարգով և դրանում կատարված փոփոխություններով:

Լսեցին - 6. Երևանի Ս. Շևչենկոյի անվան թիվ 42 ավագ դպրոց ՊՈԱԿ-ի տնօրենի առաջարկությունը Էլեկտրոնային կառավարման և դասավանդման մասնագետի լրավճար տրամադրելու և Երևանի Ա.Մարգարյանի անվան թիվ 29 ավագ դպրոց ՊՈԱԿ-ի գլխավոր հաշվապահի առաջարկությունը 2 աշխատակցի լրավճար տրամադրելու մասին՝ ՏՀՏ ֆիզ.շահագործման, օպերատիվ աջակցության պահպանման համար 40000 դրամ և պարտականությունների խիստ ծանրաբեռնվածության համար 56420 դրամ:

Որոշեցին

Հավանություն տալ ներկայացված առաջարկությանը և Էլեկտրոնային կառավարման և դասավանդման մասնագետին սահմանել լրավճար՝ գործող իրավական կարգավորումների, համապատասխան հիմքերի և դպրոցի ֆինանսական հնարավորությունների շրջանակում:

Լսեցին - 7. Կառավարման խորհրդի աշխատանքային պլանի և ժամանակացույցի հաստատում:

Լսեցին՝ խորհրդի նախագահի կողմից ներկայացված 2026–2027 ուստարվա Կոլեգիալ կառավարման խորհրդի աշխատանքային պլանը և նիստերի ժամանակացույցը:

Որոշեցին

Հաստատել Կառավարման խորհրդի 2026–2027 ուստարվա աշխատանքային պլանը և նիստերի ժամանակացույցը:

Լսեցին -8. Ֆինանսատնտեսական գործունեություն և բյուջեի կատարման մասին:

Ներկայացվեցին դպրոցների ֆինանսատնտեսական գործունեության և բյուջեի կատարման վերաբերյալ տեղեկատվությունները: Ներկայացվեցին ֆինանսական միջոցների օգտագործման հիմնական ուղղությունները, կատարված ծախսերը և դպրոցի բնականոն

գործունեության ապահովման նպատակով իրականացված աշխատանքները:

Որոշեցին

Ներկայացված տեղեկատվությունն ընդունել ի գիտություն: Շարունակել ֆինանսական միջոցների նպատակային, արդյունավետ և սահմանված կարգին համապատասխան օգտագործումը՝ առաջնահերթությունը տալով դպրոցի կրթական գործընթացի և անհրաժեշտ պայմանների ապահովմանը:

Լսեցին -9. 2026–2027 ուստարվա Ներքին կարգապահական կանոններ

Ներկայացվեցին դպրոցների աշխատանքային ներքին կարգապահական կանոնների նախագծերը (համալրված նոր հոդվածներով/փոփոխություններով):

Որոշեցին

Հաստատել դպրոցների 2026–2027 ուստարվա ներքին կարգապահական կանոնները:

10. Լսեցին գլխավոր հաշվապահ Ռուզաննա Ամիրյանին

Նախահաշվում կատարվել է փոփոխություն 2026թ-ի 3-րդ եռամսյակում Կոնֆուցիուսի ծրագրի շրջանակներում դպրոցին տրամադրվել է 3284,7 հազ դրամ չինական մշակույթի և կուլտուրայի ուսումնասիրման համար /համաձայն պայմանագրի/ և 182,6 հազ դրամ ետվերադարձված գումար /ըստ կանոնակարգի/: Ընդամենը եկամուտը-3467,3 հազ դրամ: Ծախսային հոդվածներում ներկայացված են համապատասխան ծախսերը:

Որոշեցին


Հավանություն տալ 2026 թվականի նախահաշվի փոփոխությանը և ԿԳՄՍՆ ներկայացնել հաստատման:

11. Լսեցին՝ Տնօրենների և հաշվապահների ներկայացրած 2026–2027 ուստարվա վարձաչափային (տարիֆիկացիոն) և հաստիքային ցուցակները:

Որոշեցին

Ընդունել ի գիտություն դպրոցների 2026-2027 ուստարվա հաստիքացուցակը և տարիֆիկացիոն ցուցակը:

Խորհրդի նախագահ՝  Ն. Այվազյան

Քարտուղար՝  Շ. Գալստյան